

皇明經世文編

皇明經世文編卷之二百二十九

華亭

陳子龍臥子 宋徵璧尚木

編輯

徐孚遠闇公 吳培昌坦公

張 定子慧叅閱

陳給諫奏疏

疏

陳時明

嚴武備以壯國威疏

選將練兵

此世廟三年所上疏是未交國營時事也

臣聞天下之患發於遠者不足畏而發於近者為可畏發於國之所戒者不足畏而發於國之所不戒者

爲可畏、發於戒而有備者不足畏、發於戒而無備者爲可畏、何則、緩急之勢異、而禍害之輕重隨之。切惟國家建都於燕、乃中國極北之盡處也、東隣渤海、兀良哈、則女直、奚、契丹、雜種、北接沙漠、則蒙古、餘孽、彼之窺我者、固近而速、我之所以慮彼者、不可有一時之放逸、一處之滲漏也、宜大遼東諸鎮、皆祖宗所規畫、障以重垣、限以深塹、警以烽燧、戍以重兵、雖虜騎時或竊入、去都城尚遠、諸鎮亦自謹其封疆、慎守其上、而備其不虞、賊來則戰、賊去則守、故虜騎倏去、

不能爲吾大患也。惟居庸關以東至遼東之四海冶與朶顏三衛虜寇只隔一山諸部落遠者去都城不過三四百里近者僅百數十里耳。國初嘗於永平以北山後置大寧都司統興營義會等衛以守其地後以朶顏等部恭順之故移大寧都司并所屬衛於保定等處空其地與之以爲我東北外藩籬使之東捍女直北捍蒙古所謂守在四夷是也。北虜在我祖宗時食我桑椹懷我好音朝貢以時種類微弱故得彼此相安。後正統己巳之變爲也先所誘我是

以有土木之禍。弘治庚申之後。爲火飾所脅。我是以  
有魚臺之慘。近年以來。招納我叛亡。驅掠我邊鄙。其  
衆增益。部落日繁。則今日朶顏三衛。非復前日乞活  
之比矣。數年前嘗聞朶顏衛酋花當之子把兒孫與  
北虜小王子結親。此賊狡黠。情偽叵測。爲虛聲以恐  
喝我邊上將士。未可知也。心媚大種。而獻女結歡。亦  
未可知也。變詐如此。尚敢以痴蠢無知易之乎。往日  
害我叅將陳乾。把兒孫。實爲戎首。今石塘嶺殺我指  
揮殷隆等。或亦此賊爲之。蓋三衛之衆。朶顏爲強。諸

大抵三衛稱臣。結婚。大虜未育。

實事。要の我。魚。熊。實。爲。多。耳。此。在。邊。臣。能。者。可。以。我。の。索。制。之。

酋兒詐把兒孫爲最，朝廷雖歲加以爵銜，時優以金帛，終不能滿其溪壑之欲，馴其豺狼之心。此賊不死，異日東北有事，必此人也。數年來縱令醜類抄掠我人民，近聊歸一二，即要市我名器，都給事中許復禮等憤其以堂堂中國爲蕞爾胡雛所欺侮，已具疏爲陛下懇懇言之矣。今日之事，不與則結怨而起，與之則損威而示弱，二者皆當審處。臣愚以爲中國者，乃中國所自立之中國，初不係猾虜之輕重也。彼雖禽獸，豈不自念曰：往歲吾嘗殺中國將領部下

處屬夷之迫當自深察

時常侵犯中國人民。今復持所掠之餘。以易官爵。中國無乃不我與乎。知其不與而求。是易中國也。中國假羈縻之術。忘疇昔之憤。徇其欲而與之。是示弱而畏夷狄也。夷狄而易中國。則驕驕則凌人。中國而畏夷狄。則替替則受凌。欲求弭亂而無乃速之矣乎。今固當示強以破其姦。嚴備以防其詐。振威以折其萌。區區不知之說。不可當猾虜之身而施之也。所謂防其詐。折其萌者。臣請爲陛下細言之。京城東北一帶。雖逼近胡虜。原無邊塞。所恃者山嶺陡峻。林木稠

密虜騎不能驚越而已。往日居庸以東有松木數百里，後以供薪燒炭之利，取者無禁。如近日黃花鎮守備張楠之所爲者，遂使林木日就疎薄。往日朶顏諸部落時向北虜大營盜馬過塞下者，或語我以虜中動靜，北虜亦追趕此虜，亦敵殺不甚相往還。近見我邊備廢弛，人無空回，故連合爲一，共來犯邊，加以把兒孫調和於其間，遂使二虜日就親密。况薊州等處雖設有三堂，若一巨鎮，然衛所單寡，卒伍空缺，將士亦罕。經戰陣，名爲邊鎮，實則腹裏之兵，緩急實不足。



倚仗東北諸胡數來 朝貢熟見我山川險易納我

姦人備知我士馬虛實此虜于 國家真癰疽結於

脇下而豺狼伏於門庭也萬一北虜萌深入之利把

兒孫挾不逞之姦潛導北虜出我不意掩我無備縱

都城金湯萬雉其若郊甸之民何且自此以南地皆

平曠更無險阻四通八達騎兵之利鳴鞭馳驟任其

縱橫用德威為虛龍節度使自恃戰臣嘗考之前史五代時唐失榆關之險盧文進

導契丹入陷新州金之攻遼自古北口入陷燕京元

之攻金或自古北口或自大喜峰口今諸關口皆近

郊之險要也。雖有戍守備疎力微。又嘗考之元史。金人恃居庸之塞。冶鐵錮關門。布鐵蒺藜百餘里。太祖距關不能前。召札八兒問計。對曰。從此而北。黑樹林中。有間道。騎行可一人。若勒兵銜枚以出。終夕可至。太祖乃命札八兒前導。日暮入谷。黎明諸軍已在平地。疾趨南口。金鼓之聲。若自天下。金人猶睡未知也。比驚起。已莫能支。吾關旣破。中都大震。元人知中都。有備。分兵三道。右軍循太行而南。取保遂懷孟澤潞等州。大掠平陽太原之間。左軍循海而東。取平灤諸

郡大掠遼西之地。中軍當雄霸而南。破清滄濟南等郡。往者已已之變。紫荊白羊失守。虜騎直犯京師。其先至者。星散搶掠。大衆旣去。零騎百餘。猶驅掠各郡。乃命楊洪等追至關殲焉。夫考之前代旣如彼。驗之近世又如此。今不可不於無事之時。而預爲之慮也。蓋我各邊有山川之險。亭障之隘。有備禦之具。且居民疎濶。蓄積甚微。虜入則戰。雖有所得。不無所損。內地原野平曠。居民稠密。城郭遼遠。加以州郡無兵。民不識戰。虜雖深入。亦無邀遮之患。而所掠有無窮之

利然所以歷百餘年而不敢大舉深入者。一則懲我  
國初殺伐之威。見我各邊將士。猶足敢與之力戰。將  
謂內地之兵皆然。不敢輕我無人。二則見我各邊重  
垣。復塹高山深谷。恐我縱之。使入據險。邀截斷其歸  
路。三則自疑精銳深入。老弱輜重在後。或爲別部所  
抄。或爲邊將所劫。如近世威寧海子之類。四則東北  
諸胡各有分土。導虜入掠。必由其境。牛羊未分其虜  
獲。部落先受其騷擾。故閉途距境。不使得通。此所以  
百餘年。但於沿邊剽掠。未嘗大舉深入也。今則不然。

去歲西師屢挫虜氣益張凌轢我將士陷籍我城堡  
安行直入如陷無人之境牛羊金帛如取囊中之物  
此已自啓其輕我之志歆動其無厭之心矣加以新  
有把兒孫之隙此臣之所拳拳也夷狄嗜利如蠅蚋  
之赴腥羶麾之復集寧知紀極遭挫則遠遁有獲則  
復來近西邊稱虜騎萬餘散漫賀蘭山後北邊報虜  
營聯絡駐牧威寧海傍然未見大入犯邊安知非多  
方誤我俟秋高馬肥出狙詐以乘我無備耶虜雖犬  
羊其形耳甚長近見延寧地方原野蕭條而又有大

臣在彼總制宣大舊鎮有備而亦有大臣在彼提督  
三處俱未可以得志彷徨塞下以誘我不虞今之事  
勢殆賈誼所謂厝火積薪之下而寢處其上也臣愚  
過爲杞人之憂聊設必無之喻儻虜以散騎迭入延  
寧境內以綴我西師又以輜重往來宣大塞以疑我  
北鄙納姦人反戈之謀因兀良哈同利之衆突入我  
東北空虛之處重兵據我隘口輕騎駐我郊牧餘騎  
掠我郡縣扼我運道此亦坐困都城之術也已已之  
變喜寧導也先直趨京師由小兒爲虜謀出紫荆抵

臨清幸虜無大志，得利即返。當時若從其姦計，其禍

變山此議

蓋有不可勝言者矣。近世名臣如大學士丘濬者，欲

已不入禁中

以大寧都司移於保定者，立于永平或遵化，或薊州

以為重鎮。凡舊所屬衛所移於沿山要害，相為聲勢

此老成卻慮之圖也。但保定當紫荆之衝，實郊外咽喉

之地，備亦不可無。而安土之眾，為遷邑之舉，事亦

不可輕。惟在朝廷較量利害，審度時勢，不使有意

外之變，斯為善處之術。臣聞為國家者，必居重以馭

輕，安內以制外。頃以流賊之故，調發邊騎入剿，邊上

將士周歷諸省，悉見城池卑淺，將士怯弱。先帝末年，扈駕南征，經過名都大郡，又見人物繁華，財貨富實，近日各邊餽運不給，將士不免凍餒，加以胡虜強盛，日有鋒鏑之苦，安知其不厭窮邊爲地獄之愁。慕中華有天上之歎，昔有唐中葉，府兵法壞而爲曠騎，其曠騎之法，天寶以後稍以變廢，應募者皆市井負販，無賴子弟，未嘗習兵。時承平日久，議者多謂中國兵可銷，猛將精兵皆聚於西北邊，安祿山見廢弛，遂有輕中國之心，發所部十五萬衆，友於范陽，引兵



而南無敢拒之者。乃使封常清請東都募兵六萬人。皆白徒。未經訓練。屯武牢以拒賊。以鐵騎蹂之。官軍大敗。高仙芝退自陝西。哥舒翰潰於靈寶。玄宗幸蜀。而長安不守矣。近甘州假告糧而殺害巡撫大臣。大同因下操而抗拒。巡按御史宣府於教場吶喊。寧武因點名潰散。其他偏強不服者。又往往告兵情易動。如此。勢已寢寢乎。其可畏矣。萬一有奸人呼唱於其間。豈直爲患邊陲而已哉。前日何錦之在寧夏。近日李隆之在甘州。使其姦謀得遂。事亦未可量也。况近

年以來水旱不時國家多事賦役繁重民不聊生而匹夫不逞一呼成羣小則流剽鄉村阻劫道路大則攻圍城郭敵殺官軍隨滅隨起習以爲常蜀寇甫平而霸賊起霸賊方息而曠徒作此徐樂所謂土崩之勢也樂之言曰天下之患在於土崩不在瓦解何謂土崩秦之末世是也陳涉無千乘之尊尺土之地然起窮巷奮棘矜偏袒大呼而天下從風是之謂土崩昔有唐之季奢侈日甚賦歛愈急連年水旱州縣不以實聞百姓流殍無所控訴相聚爲盜所在蜂起州

縣兵少。人不習戰。每與盜遇。官軍多敗。於是王仙芝起於長垣。黃巢起於冤句。其後巢賊自嶺南回。蹈江越淮。直陷東都。神策軍士皆長安富家子。賂官竄名軍籍。厚得廩賜。未嘗更戰陣。聞當出征。父子聚泣。多以金帛雇病坊貧人代行。往往不能操兵。於是賊巢入長安。僖宗幸興元。今觀其宰相稱疾不出。天子大廷垂泣。良可哀也。今邊塞有疎脫之際。胡虜有窺伺之形。戎卒有跋扈之心。窮民有離渙之迹。故曰明者見於未形。聰者聽於無聲。事機如此。豈可聽其自至。

任其自來而不爲之慮也。大抵禍患已來，從而圖之。爲力旣難，幸而獲濟，亦必有所損傷。禍患未至，先以待之，用力旣易，雖有不祥，亦不能大爲災害。今日之計，上策莫若修文事，其次莫若嚴武備。所謂修文事者，親賢遠奸，節用愛人而已。所謂嚴武備者，臣有管蠶之見，不避狂瑣之誅，謹爲陛下陳之。古者雖有文事，必有武備。晉人有言：兵可千日不用，不可一日不操。蓋教戰乃所以息戰，而訓兵乃所以寢兵也。我太祖高皇帝聰明睿智，神武不殺，天下旣平，猶今日

遣某官某處練兵。明日遣某官某處練兵。蓋無寧歲且制爲。祖訓曰。胡戎與西北邊境。互相密邇。累世戰爭。必選將練兵。時謹備之。况今天子自爲守邊。而將可不選。兵可不練。武事可一日不爲備邪。我太宗文皇帝。聖神文武。繼志述事。祇承德意。故大啓燕都。親控隘塞。內難旣靖。猶今歲出開平。明歲出興和。躬御鞍馬。與胡虜角逐。蓋恐一時武事不競。後嗣將弱。故不憚一己之勞。而爲萬世慮也。以教閱言之。國初南京大小教場之設。以練五軍將士。永樂初

既有五軍營，又有三千營，以司寶燾令旗，神機營以司神鎗火器，是爲三大營。各營管操官曰提督，各哨分管曰坐營，曰坐司，而中都留守山東河南大寧四都司歲輪班馬步官軍隸五軍操練。此祖宗時營操之舊規也。景泰初，因胡虜憑陵，選三營精銳分十營團練，以備警急調用，是爲團營。每營官軍一萬員，名其提督及坐營掌號把總等內外官員畧如三大營之制。而命兵部尚書或都御史一同提督。天順初或分罷。八年復置。成化初罷。三年復置。分奮武至振威爲

十二營。此則後來隨時之建置也。自夫團營建而三營漸輕。今三營壞而團營亦敝。籍有萬人之名。營無萬人之實。科道點閱官員據其實報到營名數。無從究其隊伍實有之真。內外坐營等官。假以軍伴工匠爲名。一任恣意於差占之役。老壯不聞有簡別之期。勇怯不聞有去留之等。去歲北鄙有警。命於團營選兵三萬聽征。夫團營本摘三營精銳而設。今團營選兵。則兵之不精可知。而今之團營。猶昔之三營也。臣嘗觀五代史宿衛之士。累朝相承。務爲姑息。不欲簡

閱恐傷人情。由是羸老居半。每遇大敵。不走即降。周世宗自高平之戰。始知其弊。謂侍臣曰。兵務精不務多。今以農夫百。未能養一甲士。奈何浚民之膏血。養此無用之物乎。且健懦不分。衆何所勸。乃命簡諸軍精銳者升之上軍。羸者斥去之。又以驍勇之士。多爲諸道所蓄。召募天下壯士。咸遣諸關。選其尤者爲殿前諸班。其餘步騎諸軍。各命將帥選之。由是士卒精強。所向克捷。宋之藝祖。亦踵此制。詔殿前侍衛二司。各閱所掌兵。揀其驍勇者升爲上軍。而命諸州長史。



選所部兵送都下。以補禁旅之闕。又選強壯卒定爲兵樣。分送諸道。召募數習。俟其精練。即送闕下。由是獷悍之士。隸禁籍矣。又懲唐以來。藩鎮之繁。分遣禁旅戍守邊城。立更戍法。使往來道路。以習勤苦。均勞佚。自是將不得專其兵。士卒不至驕惰。夫周宋翻汰去邊尚遠。餽輓亦便。猶以兵不可濫蓄。財不可浪費。今各省水旱連年。災厲迭見。朝廷以小民困苦。雖有蠲免之恩。有司慮國計匱乏。率多廢格而止。當催徵之際。期以促限。迫以嚴刑。使閭里窮民。質田毀產。

鬻男賣女，歲租僅辦，生事一空，豐年流乞，道路凶年，轉爲盜賊，况漕運之粟，近亦千數百里，遠者往返萬餘里，計其程途，非周歲不能至，有江湖風濤之險，有洪壩搬撥之勞，有開渠牒淺之患，當夫秋冬之交，河水流澌，猶裸身杭淺，入水牽舟，不幸舟敗米漂，則貨家易產，以償官，猶不足，則逃竄四方，至死不歸者有之，諸軍日月所食，皆農夫之脂膏，漕卒之汗血也，以輓輸之難如此，而養此疲鈍無用之物，均一覆載之下，幸與不幸，有如此哉，臣愚以爲今日之事，民之財

力竭矣。兵之凋敝極矣。非大有所更張。不能祛積年之弊。非大有所振作。不能復已去之威。近日本兵請於本部尚書外。別設一員專督營務。良以此也。請命本兵大臣會同內外提督坐營等官。將各營見在將士大加簡閱。仍命給事中御史按其不如式者。如團營所統十二營。必滿一萬之數。兵必極一時之選。如五軍等三營。驗其實在之數。以杜其占役覈其逃亡之數。以致其清勾。然欲選兵。當先選將。今各營坐營多以功勳之冒爲之。此輩生於純袴之家。長於

婦人之手。日未嘗辨旌旗之色。耳未嘗聆金鼓之音。身未嘗經鋒鏑之交。足未嘗履沙場之地。若一旦授以坐營重任。彼建樹大將旗鼓。坐於將壇之上。儼然一大將也。叩其中之所識者。不過衣服輿馬之間。飲食男女之際而已。既無材能。又不省事。且聽信心腹家人。及積年識字光棍。撥置剝削行伍。賣放軍役。營務廢壞。職此之由。今各營坐營官。請用出入均勞之例。必邊上有功將官。方得入爲坐營。其武弁之胄。非卓然有志功名。擺脫膏粱氣習者。但世其祿。不任其

事可也。下而把總管隊官員亦要先擇其所管部伍。先令自選。以次引驗。如一隊五十人。就俾管隊官自選精壯者幾人。老弱者幾人。逐一引於該管把總等官處驗看。果精壯則留之。果老弱則去之。如有濫誤。則隨其多寡而杖責其原選之人。甚者呈稟於提督官處。易置之。如有受財作弊等項情由。則呈稟科道官處。叅奏重治之。如一把總該管若干隊。就俾逐隊自選。除老弱類開外。其選中者。明開某隊武藝精熟者幾人。齊力強壯者幾人。逐隊開寫。引送坐營官

處驗看。如選取不精輕則量爲責治重則呈稟提督  
官處更換其人。如有受財作弊等項情由則具揭帖  
送科道官參奏重治以罪。如一營該管千隊坐營官  
逐總自選畢引送提督官處驗看。有膂力者試其膂  
力有武藝者試其武藝且因以觀該營將領之才否  
則不行用心視爲泛常會同科 官員參奏黜罰提  
督官逐一驗中者仍送科道官處覈實有不堪者駁  
回另選且計數奏聞請 旨戒諭其簡選之法驗之  
年貌以求其老壯驗之身材以求其勇壯驗之技藝

以求其精疎。雖五兵並用而尤以弓矢爲主。蓋刀鎗  
旬日可精，弓矢非積久不能熟。弓矢既熟則他技皆  
餘事矣。夫取之間雖以武藝爲尚，尤以膂力爲先。蓋  
武藝可習，惟是膂力不可強而至膂力既壯則武藝  
皆可學矣。團營取不足則於三營見操將士中取之，  
層不足則於四都司京操軍士取之。其四都司兩班  
京軍士宜畧倣周宋之制，簡其驍銳者升爲京軍，即  
命原衛所官司將選中軍士當房家小津遣赴京常  
住待其衰老仍遣於原衛所收伍。其餘班操官軍亦

不必赴京虛耗 國儲亦畧做大學士丘濟輔郡之  
議該班京操將士就於附近郡操備東則以永平或  
薊州西則以保定或易州南則以臨清或徐州但北  
乃宜府不必設輔郡邊城芻粟價高委輸實難內郡  
將士至彼不能戰陣虛糜錢糧有事則以京營精選  
將士戍之三營將士除選團營外餘留本營操演宜  
復簡其壯健者免其做工嚴加訓練則爲一項一以  
備意外調發一以備團營選補其老弱不堪者團營  
則退回三營若慮外衛所選取旣多原伍空缺則京



營老弱將士願回原籍附近衛所者聽其便收充補  
伍近世名臣大學士李賢嘗言於英宗皇帝欲以  
在京軍官老弱殘疾者令兵部漸漸調出在外以省  
冗費誠有見也選取既畢賞賜月糧亦宜畧倣前世  
之制稍爲之差等國營聽征將士爲一等三營聽選  
將士爲一等老弱做工將士爲一等如此則勇壯者  
勸而疲懦者勉兵庶幾可用而國無浪費之虞矣然  
兵法有曰兵無選鋒曰北又於每營之中拔其驍銳  
者三千員名置爲遊兵若先鋒之名於各邊都指揮

等官中擇其善戰有謀者授以看遊擊若先鋒之號就俾於邊上平日所知慣戰將官中自指揮而下奏取數十人以爲領哨把總管隊等項應用又於邊上夜不收人役中選其通年出塞及工於劫營者奏取數十人以爲京營哨探人役之師各仍統屬於該營操則別置於一處使之常爲戰裝一遇有警命下即行有事之時本營悉行就以充該營遊擊先鋒之用若只發所部則俾受節制於所在三堂等官每歲發遣二三枝於宣大等處以代內地邊操備禦之行

寇入則聽所在三堂調遣與邊上遊騎偕進以爲犄  
角之勢不得仍踵京營閉門坐守之怯不得肆爲禁  
旅偃蹇曠悍之態輪班出戍周而復始以識胡虜情  
狀以經戰陣勤苦以習塞上風寒其更代之期道里  
之費又因時制宜而區處之有方至於教練之法臣  
不避煩瑣爲陛下復陳之今京營將士教戰之法  
月凡三次操練除祁寒盛暑工役外月不過數日通  
計一歲不過數十日耳其下操也又不過聞鼓角火  
砲之聲音趨走數十步吶喊數聲而已質明而入營

未午而歸家。未嘗習擊刺之方。閑馳射之法。甚至於  
都人所言京營下操。非操練也。乃比較也。今日下操  
則追昨日該操不到之罰銀。明日下操。又追今日該  
操不到之罰銀。何嘗有彎弓發矢。揮戈躍馬之實。其  
將士之入教場也。挾至令三大營之操皆如是一無弦之弓。插二三枝無羽之  
箭。或腰一無鞘之刀。或以竿而爲鎗。或以棒而爲銳  
即其器械。真如兒戲。昔英廟北狩。都御史楊善往  
迎也。先密遣一人先來。因問向日土木之圍。南朝兵  
何故脫衣甲而走。答曰。太平日久。將卒相安。因四方

無虞只營修寺宇而已。何曾操習。被爾虜兵陡然衝突。如何不走。嗚呼。善言京營練習之無素。將士之無能。歷今日猶昔日也。今日之教練。請勿以營中成法拘之。使將各以已意教之。周旋進退。必有擊刺格鬪之實技。左右開闔。必有陷陣潰圍之實勇。猶張巡所謂使兵識士情。投之而往。如手之使指。兵將相識。人自爲戰。斯爲善矣。或如宋太宗親閱之法。刻木爲箭。鏃裏以氈。繩命強者兩相對射。避即插之。取其不避者。又以木挺爲馬槌。施諸韋稍。俾馳騎相擊。取其尤

勝者各分等級隸之。夫格鬪之法。如手搏然。精于手搏者。他人雖勇力擊之。終莫能就。而乘虛一手其人。即仆。雖一人可敵數人。雖中人可敵壯士。格鬪之法。其伎倆。避箭批亢。擣虛。固自有方。平時不習。一旦臨敵。則眼目眩皇。手足軟顫。故有平日挽強命中。而臨敵不能彎弓。平日運稍風生。而臨敵不能牢握。昔尉遲奪稍。亦由目定手捷故也。至於神鎗火砲。亦宜使之常放。演習其安置之宜。忖量其高下之勢。蓋槍礮之放。尤難。高一寸則騰空。低一寸則入地。徒聞訇磕。

之聲殊無摧擊之益。亦以平日未嘗量定。故臨敵不知所以持架安頓也。如此簡拔。如此教練。則營伍充實。將士勇銳。有此十萬之衆。賢於他日不習之兵百萬。可以折蠻夷猾夏之萌。可以銷寇賊奸宄之漸。可以省國儲無用之費。國勢有雷霆之威。泰華之固。豈直虎豹在山而已耶。是則所謂伐謀之上兵也。此法既立。而又一年一蒐補。三年一大閱。以若此施爲。雖似紛更。然于緩急實爲有賴。宋蘇軾有言。天下無事。則公卿之言輕於鴻毛。有事則匹夫之言重於泰山。

今之形勢似不可謂之無事矣。如臣言可用，乞下延  
臣會議，務求國勢之真安，無憚更張之煩擾。愚謬之  
見，亦其大畧耳。若夫目之詳、綜理之密，自有廟  
堂深識，永圖非臣之愚所能爲也。

專信任以戒不虞疏

免勘李隆之獄

切照前歲甘州兵變，都御史許銘歿之，銘之歿，總兵  
官李隆爲之也。李隆志殺許銘，造謀倡亂，虐害忠良，  
實天下之大惡，千古之奸雄。王法不宥之賊，已該都  
給事中許復禮、劉濟筭給事中魯綸、御史喻茂堅、田



麟等先後交章爲  陛下言之此皆言官尊  朝廷

惜紀綱忘顧忌據憤懣以曉  左右也繼而巡撫甘

肅都御史陳九疇領部咨密切訪察巡按陝西監察

御史劉紳奉  綸音蒞治具獄二臣祇承  聖意訊

諸奸黨質諸輿人不縱不刻  惟公平於是許銘忠

國之心受禍之慘李隆起釁之由鼓亂之實委曲本

末靡不悉得獄具上詣朝  陛下下之法司詳勘依

律以奏請奉  聖旨這事情重大還於午門前會同

多官從公再問明白來說欽此於是府部科道等衙

門文武之臣集於午門前稠人廣衆之地秉公覆審  
咸曰李隆法雖罹於謀殺情又涉於謀叛罪浮於罰  
法司所據惟當奉 聖旨這事情重大還差三法司  
錦衣衛堂上官各一員前去彼處從公勘問明白來  
說各寫勅與他欽此臣愚雖無知亦竊致疑此不必  
差而復差者也 命下未幾都給事中劉濟等果以  
爲言內開李隆謀殺許銘之情具於楊淮等之招撫  
按之勘法司會問無異多官覆審相同是宜速正典  
刑今復差官無非多方展轉等因奉 聖旨朝廷差

官勘問正欲慎重獄情公聽斷以正國法豈有遷延  
備拘之意你每如何又這等來說該衙門知道欽此  
臣於此仰瞻 陛下真日月之明雷霆之威李隆之  
惡許銘之寃已在容光之下矣所以復差官勘問者  
蓋欲威斷出於 朝廷使天下凜然知畫一之法不  
可犯雖河西之人亦將膽落曰天子明見萬里也  
雖然臣愚猶心有所未安心有未安而隱忍不言是  
全軀持祿之臣也持祿不忠國有常刑臣以是不避  
斧鉞復瑣瑣以瞽言進嘗讀易旅之大象曰山上有

火旅。君子以明慎用刑而不留獄。言獄未具者當求其情。獄已具者當致其罰也。又按王制成獄辭。史以獄成告於正。正聽之。正以獄成告於大司寇。大司寇聽於棘木之下。大司寇以獄之成告於王。王命三公參聽之。三公以獄成告於王。王三宥然後制刑。言有司疑獄。讞諸王朝。未聞王朝已聽之。獄下之。有司也。今李隆罪狀已明。招擬已定。無可疑議者。乃復遠勤有司。竊以爲此舉或過矣。况陛下平日所託以爲股肱耳目者。在內則世勳三公。九卿臺諫諸臣也。在

外則地方撫按也。今撫按已勘而不信。則撫按之臣不勝任矣。甫於闕前覆審。旋復差官勘問。則舉朝之臣亦不勝任矣。無按不勝任使。則撫按當罷去。舉朝不勝任使。則日日隨行朝著者。此何人哉。且陛下今日所差以勘問者。無寧他求才智優異者。以膺任使耶。抑亦就其職事少閒。若佐貳者以行耶。向也萃數十百人於闕廷之前。參訂其獄。猶不稱聖意。今獨以二三人於數千里之外。探求巨猾。秘縮鬼域之情。又安知其果足以當聖意否耶。爲恐獄有

寬濫薄釋註誤望降一

不必復遣官但令巡按再勅旨於撫按之臣亦能上

如該實為科宜

體德意若但求李隆真情往來踪跡陳九疇備詳之

矣罪犯重輕劉狝差次之矣勘官之往如是而已矣

雖有他能其奈之何此臣之所謂不必差官而復差

者也非獨此也前日逆濠江西之變其為謀非一日

說者猶以為差官勘問有以激之近聞巡按御史劉

狝將及甘州五衛之衆亦嘗疑曰劉御史領涼州人

馬來洗甘州遂潰散上山都御史陳九疇倉皇四出

撫安仍急張告示諭以朝廷只罪首惡他人無與

皇明經世編

陳給諫奏疏

免勘濠隆之似

平露堂

衆疑稍釋。實以前日之變。註誤者衆。故畏罪者多。勘○已○故○之○後○不○宜○復○有○究○問○此○則○所○當○處○者○官之往彼自疑。曰首謀已擒。勘官復來無乃搜索餘

黨乎。萬一激成他變。誰執其咎。臣又有疑。李隆既為

籠中之鳥。必無復縱於山林之理。勘官之往。不與俱

不至於此。然立上宜爾

至甘州。誰則對理。若與偕行。彼豈不自知惡極罪大

終難掩飾。萬一萌僥倖之心。同惡相助。圖為邀劫之

謀。若其奸計得行。不西走哈密。則南走亦不刺矣。異

日誘引外患。如唐之僕固懷恩。於時悔之。其能及乎。

蓋事久則變生。勢窮則慮易。固其理也。臣所謂不必

差官而復差者。又以此也。臣畧計差官不可共說有五。不惜一一爲。陛下陳之。稽滯。天討。蓄天下忠臣義士之憤。退有私議。一也。河西人心甫定。今復使之驚惶。二也。設有疎虞。他日必爲中國大患。三也。事出獨斷。臣下不與。股肱耳目之臣。各懷愧恥。四也。壞朝廷覆審之例。後必踵以爲常。五也。伏乞。陛下收回差官之命。早置李隆於法。於以釋中外之疑。於以防未然之患。使天下曉然知。朝廷無負於死事之臣。而好亂樂禍者。卒不能追憲典之誅。極也。事



雖一端勸懲攸係惟望 留神省察無憚更張實在  
廷臣工之願天下忠義之願

皇明經世文編卷之二百三十

徐孚遠閣公 陳子龍臥子

華亭

宋徵璧尚木 吳培昌坦公

選嗣

張 垚 勿青參閱

曾都諫奏疏

疏

曾 忭

陳愚見以平內叛以防外虜疏

平叛防虜

近該總制宣大兵部左侍郎劉源清題為捉獲姦細

李彥審據供稱黃叅將等謀差通事各拏段疋前去

邊外勾引達子裏應外合見今黃叅將同遊擊秦鼎  
總領提調拒敵防守等因臣惟人臣之義主憂則勞  
主勞則歿頃者大同告變皇上重爲天下憂勤宵  
旰西顧群臣咸發憤畢誠願獻愚忠爲國討賊而

聖斷先定廷議僉同發軍興制正義明罰且欽降黃  
榜開釋脅從重懸明賞以倡忠義臣以爲該鎮士民  
無慮數萬衆豈無一明智奮激之士鼓義倡勇爲我  
軍內應其諸脅從雖冥頑不靈而陛下所示禍福  
利害昭如日星亦豈不知懷德憚威易叛爲忠意此

賊不過旬日當送款轅門懸首藁街矣今既再旬卒無一人仰應明詔者而故總兵等官朱振黃鎮秦周鄭泰等又方背主負恩朋謀鼓亂叛逆軍士亦皆稔惡怙終抗拒王師且謀挾擁王子招納醜夷不軌之謀日滋月深此臣之所以日夜痛心憤懣至不欲生也顧惟闇劣罔閑軍旅千慮之餘偶得四策杞人之憂誠不能自己伏惟陛下裁擇

一分委任以重責成竊惟智專則精一而謀審事叢則力分而慮踈竊觀逆賊所以敢行稱亂者不過挾

強虜以爲資耳。故非外援虜寇則窮奔塞北。其或北

然度其事勢止是倚虜或奔塞

不可往則流寇而南。虜入則內外交變。可憂方大。賊

非未有舍鎮城而南越者南則根本失矣

北則日導月引。虜患無窮。流寇內地則郡邑久安。兵

弛無備。誠不可不預爲之所。而逆爲之防也。討賊之

事已付總制劉源清。提督邵永。又分遣廷臣。載重王

師。兵衆勢集。必可成功。但恐鎮撫諸臣。人懷隨隊之

心。坐觀成功之賞。十羊九牧。顧此失彼。勢不得詳理

邊務。萬一虜寇乘機而動。逆賊窮追而奔。然後爲計

則晚無及矣。臣愚以爲討賊之事。宜付總制及提督

等臣有不効則責劉源清郤永等防邊之事宜付之  
都御史樊繼祖韓邦奇總兵官魯綱劉淵等令其專  
意務理邊備宣布德威簡閱士馬謹伺烽燧慎傳聞  
諜以防虜寇且趙賊奔有不効使虜得南侵賊得非  
突則責樊繼祖韓邦奇魯綱劉淵等其附近郡縣及  
居庸等關宜付之都御史周金王德明及巡關御史  
趙元夫等令其各視所轄規畫防守兵弱食少者宜  
悉爲區畫流亡游食者宜計與收安毋令乘機思亂  
爲賊所得有不効使賊逸而南民煽而動則責周金

王德明等仍令各官親臨邊關及大同近地凡經畧事宜及巡行期月俱以時陳奏付臣等稽察

一設間疑以散逆黨竊惟心同則秦越可相使志疑

一仇厥寧亦始同賊而後反耳

則親戚可相攻始聞黃鎮秦曲鄭恭等為賊推戴臣  
猶以為鎮等皆身為將臣世受國恩或外示同謀姑  
安反側徐當伺變為我軍內應以報國家則鎮等之  
上計也迺今謀遣譯使招虜為援則鎮等無復忠

朝廷之望矣臣愚以為宜懸重賞以購鎮等可謀云  
二三夙將為賊所逼者有能効忠勤義乘機內應計

誅叛賊。及率衆來歸。以報國家者。國家尚能捐其舊過。獎錄新功。卽崇爵千金之賞。國家無愛焉。如此則賊必疑。鎮鎮亦自疑。上下相疑。非鎮誅賊。則賊誅鎮矣。鎮誅則賊失謀主。而易。渙賊誅則叛亂易寧。而我兵可休矣。雖鎮等重賞可也。此固兵家所以間敵疑賊。計勝謀取之道也。

一恤軍士以倡勇敢。切惟恩至而後威可行。惠施而後法可昭。是故愛克厥威。則衆易靡。而兵不振。威克厥愛。則人易怨。而令不行。切觀逆賊知罪大不赦。人



懷歿心無復生全之望窮寇歿地有關無反其氣固  
自陪而勇自強也我兵懸守外地荷戈雪立客主既  
不相形勞逸又甚懸絕延遼游兵自春徂冬已閱三  
時又戍異域人懷思歸萬一持久將無固志矣宣府  
鎮兵舊嘗反側雖無唇齒之故不免狐兔之悲即勉  
強用命或不得其歿力也用思歸之士以攻敢歿之  
卒驅嘗叛之衆以攻其同事之黨不有嚴法以作其  
氣不有厚賞以固其心臣未見其用命也今戶部已  
題行賞軍之令矣然不過與銀一二萬兩討賊防邊

軍士無下數萬，况時際苦寒，衣裝費鉅，恐薄賞輕施，軍士猶未蒙挾纊之恩，及防邊將士，必萌觀望，惠或不均，當令生心矣。如此，則威阻令格，未必皆軍士之過也。臣愚願陛下勅令戶部，增銀數萬兩，令總制諸臣均加賞賚，務令足禦寒，主將元戎尤必有古人與士卒同甘苦之意，然後申嚴法令，以一衆志，則鮮不行矣。仍許賤平之後，有功人員俱視賞格，無功者亦量行優勞，則惠施而人心固，法行而兵氣偪，古所謂成大事不惜小費者也。

一定賞格以誘內變切惟厚賞之所激則人可以死

雖然賞格既定而事平之

重利之所趨則人不愛生然賞格不定則人不見利

後不及如格者多矣如寧藩之變所降賞格俱不遵

人不見利則不思奮不思奮則不能得其死力矣切

行也

觀逆賊憑恃堅城率眾死守而我軍客成由外仰攻

非緣內變則曠日持久未易成功賊縱不為招引達

虜亦或乘機而動不可不慮也兵部蓋嘗題請懸陞

賞之令矣然而未定條格止於泛言聞外制臣又不

敢私擅是以民不見利故日久猶未有仰應明詔者

查得先年該鎮之變朝廷蓋定賞格云獲首惡一

人者、官三級、白金五百、次惡一人者、金三百、餘第賞有差、後果得內應之力、賊間就擒、臣愚以為宜勅該部查照先年賞格事例、或量賜增重、明定科條、行總制等官、分布頒示、則人心見利而動、城中之人、將視賊為奇貨、賊亦將視闔城為敵國矣。縱不得內應、亦奉可以疑賊心而孤其黨、旨掣其肘而奪之氣、則堅城可依破、賊不足平矣。

陳募兵便宜疏

募兵便宜

切惟逆軍負固、蕞爾孤懸、德威布昭、靖服可俟、惟猥

虜黠深、侵當未已、又六鎮之兵所至、單弱、強邊、固圉、

以賊久未平下詔募勇

嬰愚慮久矣、仰奉綸音、豈勝宗社之幸、伏惟 陛下

臨御以來、子惠元元、加志黔首、至德涵育、淵深地厚、  
今邊陲多警、宵旰厯懷、正臣子枕甲懷戈、捐軀報主、  
之時也、明詔所至、固當有聞風而嚮應者、數萬之衆、  
不過崇朝一呼而集矣、臣復何慮哉、然聞君子歿義、  
小人歿利、仗忠勤義之節、可責於縉紳士大夫、而不  
可責之細民、效歿戰之勇、可責於素教之士、而不  
可責於新集之傭夫、往者虜寇延綏、 陛下嘗懸募

兵之令矣。卒無一人應詔者。豈其民不可以義激耶。蓋議擬之太儉。而奉行之或過也。臣懲思往事。偶有六愚。曰重購以示之恩。曰明論以示之信。曰倡名以導之義。曰叅伍以教之習。曰廣募以備其選。曰徵練以濟其急。六者舉而民無不從事。無不濟矣。何也。人情莫不貪生而惡死。樂室家而重去故鄉。今欲使民捐親戚。棄土壤。委身鋒鏑之下。而不有重購厚利。誰則從之。今之議募兵者。曰。人與銀三兩。衣甲器械官給之。夫官府所藏甲冑弓矢。虛器文具。其實不足用。

也。必加淬而厚飾之。大率費募錢三之一。又遠者米價高翔。餘費不過易粟六七斗。小民雖至愚。又安能以五斗之粟。易七尺之軀哉。近者京兵西征。官給銀二兩。布二疋。夫京兵固國家所世蓄以備緩急者也。彼小民者。曾不蒙一朝之養。及驅而之戰。其所賜賚。迺與素養之士等。其不遜於人情亦甚矣。或謂虜不冉至。則費爲無經。夫重之則耗國。輕之則民不應。臣以爲宜如弘治年間例。人給銀五兩。應募之初。先給三兩。征調時則全給之。如虜不至。則未給者固在也。

如此則民有後利之冀。或勇於應命。而我有臨事之  
美。則財不漫費矣。故曰重購以示之恩。然利可以驅  
齊民。而不可以致義士。傳曰貪夫徇利。烈士徇名。古  
稱燕趙多慷慨豪俠之士。今富家巨室。壯夫俠客。高  
名義而慕位號者不少。宜下令募之。有能率其親戚  
子弟大者百人。少或數十人。以勤國家者。官一體優  
給之。功成之日。首倡義者得併功論拜。無功者亦量  
賜冠帶以示勸異。若不煩官帑。自備資募者。則錫之  
武秩。以兵之多寡爲之第。終其身不襲。有功而陞者。



則襲其功。則衆有統而易制。財不費而兵集。故曰倡名以導之義。夫戍役所以待有罪。今之法。殊歟。以下者乃得戍。是故一隸尺伍。近或終其身。遠或世爲子。若孫患。故戍也者。民之所甚畏者也。况無辜之民乎。往歲募兵之令。亦令得事寧歸農矣。卒乃籍其名不復除。是示民不信。而教民議令也。今之議固許事寧之後。聽其歸業。且令奉使諸臣。會同撫按榜示之。慮亦甚周矣。然二三臣工。皆奉命將事之人民。固疑其不敢擅也。又國家榜制。凡奏狀文移。悉具動累千萬。

言浮文複語，即宿儒讀之，且得首忘末，况無知之愚民乎。殷盤周誥，固當時大臣傳王命而致之民者也。今觀其詞，曾不過二三百言，是故文簡而民易喻，且榜由中出，固民所習信者也。今募兵榜，宜令兵部彙括大意，毋得過三百言，庶明簡易曉，及令二三將命之臣，別刻小票，以與民爲質，凡應募者，人給之許其事平之後，執是爲後信，則民不疑而敢於赴募矣。故曰：明諭以示之信，地廣民聚，則大衆易集，而精擇有人。兵部議令沿邊招募，固可以得士，然西北諸邊地

曠民稀恐一時未能得大衆。臣愚以爲宜令兵部將各邊近地如山西北直隸山東等處分令奉使諸臣附近併募不限以地。有願赴募者一體兼收之。衆旣集而吾得慎揀精擇則無非藝勇矣。故曰廣募以備其選。夫士不服習者不可與臨敵。戰不預料者不可以先恃。驅未戰之卒以抗方張之虜。恃未獲之衆以紓旦夕猝至之患。是猶驅群羊以逐猛虎。汲遠水以沃近焚。勢必無幸矣。今邊報方殷。虜寇或旦夕猝至。新募之衆。號召不可期。且訓練未久。金鼓不習。一旦

驅而之戰。是曰棄之。兵之勝負安危係焉。不可不慎也。臣愚以爲宜預令各鎮將見操及防邊將士。揀其  
精勇。擇善將將之。勤訓以待。或虜寇卒至。則朝開警  
而夕可就道矣。若其新募之衆。安土重離者。則錯列  
本邊。叅伍戍守。以習征戎。彼內得顧其私。外猶獲公  
家之利。將爭趨之矣。夫戰守難易。勢不可同日語。士  
卒新故。勇怯亦黑白相越也。徵練兵以赴敵。分新募  
以守邊。則民便而兵利。若如今議。必待募卒以從事。  
臣恐北虜已渡河矣。故曰徵練以濟其急。叅伍以教

之習。迂踈之見。惟 聖明垂鑒

議處新輯地方重威體銷反側以圖永安疏

大同善後

節該總制侍郎張瓚、巡撫都御史樊繼祖、提督郤永、  
總兵官魯綱等，各以大同內應捷音來聞，俱奉 明  
旨下之兵部。今且旬日，未聞議處者，竊惟前事之不  
忘，後事之師，往轍之覆，來車之戒也。臣愚智不能識  
微，然迹往事，觀殷鑒，則愚者逆睹矣。 國家自正德  
末歲以至今日，二十年間，邊鎮之兵，叛者四起，其他

拒命違教。鼓衆呼譟。方動而忽寢。將發而未成者。又不可指數。此豈國家威力不足以懾哉。蓋其始亂也。當事之臣。畏怯之太過。而姑息之已甚。不能興一旅以問罪人。顧曰姑將撫而定也。當徐徐爲之。圖及其爭之。此先事而謀也。撫而定也。則遂以苟安爲幸。泄泄然忘之矣。不復爲規置善。後之圖是故。我則積怠以成弱。軍則養驕以成玩。陵夷至於此極矣。議者咸以爲甘肅之變。使當時能明法正罪。處置得宜。則可無大同之初變。大同之初變。使能明法正罪。處置得宜。則可無今日之再

變矣。推原亂始，不能不痛恨於甘肅也。雖追論則然，而後悔無及。今日之措置固他日諸鎮安危之係。若復不早爲之計，使後之議今猶今之議，咎則臣之所大惜也。可不慎乎。竊觀制撫諸臣奏狀，所以招柔大同者，固曰殲厥渠魁，脅從罔治，實陛下命將出師之初意。古先帝王用兵之大端也。然聞制撫等官入城之際，與經畫城中者，則失於不振甚矣。二月二十二日，逆賊將首馘來獻，都御史樊繼祖得報，遂倉卒趣城下，逆賊猶閉門不納，諭之至再，迺微啓半扉，僅

可容一人。即輿馬不得行。賊且請曰：都堂騶從毋得過二十人。多則衆疑必殺之。後從者多以一人入。賊果舉刃以遏。繼祖迺下輿徒步。止率二十人入。賊俱蒙堅執銳夾道而列。露刃明戟。盛氣以待。繼祖初固以爲姑將入城。庶幾居中措置以定禍變。而不知損威傷體。爲國家輕辱多矣。旣明日。遂下令議賑逆軍及其貧民。夫大兵之後。少加賑恤。豈曰不可。然古之大賚。必富善人。米聞與逆賊齊施也。且威立法行。惠之則爲恩施。施之則爲澤。感之則易動。繼祖等入城未



聞正一法誅一有罪威廢法弛而獨有私惠焉賊匪  
 惟不見德且將口固畏我也固餌我以祈免也不亦  
 惠奸賞盜示弱見怯益驕悍之氣乎且逆賊所以內  
 應者豈盡二三臣口舌之能哉蓋廟謨定而神武彰  
 大兵集而我軍振虜西遁而重援絕外圍悉而薪道  
 阻智困力屈援絕恃窮故詹榮楚書等得以乘間為  
 謀日無所若緩於入城受降則賊猶有所懼可以如我然固可以知賊之畏弱而悔禍矣使張瓚樊繼祖  
 等不遽求入城不即議解兵審幾觀勢宣布德威使  
 其帖然信竦然懼迺令盡開四門賊亦宜無不從者

然後盛儀張衛，鳴鼓而入，懸法布令，昭賞明罰，懲姦  
輯善，問民所疾苦而賑貸之，以示吏民，更始如此，雖  
無攻城斬關之威，亦庶幾明義討罪之法矣。迺悉遽  
若是，故賊得以窺我而敢復，輕傲如此也。夫以聖  
德中興，熙洽全盛，彼大同一區之孽，至勤數萬兵費，  
百萬狼鉤，相持幾半載，我軍戰歿者數千人，其竟也  
不過得二十餘賊，且真偽不辨，又假刃於逆手，已不  
足以示威而制撫入城之際，與其所措置，又復苟且  
姑息，若撫嬰兒然，甘詞媚語，重摩而厚啖之，冀其不

誓呼啼爲旦夕了事之計。無復久安長治之慮。此豈所以謀人國者哉。且兵者所以威不軌。誅姦暴。正紀綱。明王法者也。是故先王重之。出必有名。非以飾怒。歸必獻馘。非以侈大。皆所以昭武明法。詔今而戒後也。今也大兵久攻而孤城不下。不足以昭武。渠魁未盡殄。而無辜或蒙戮。不足以明法。勞師費財。而威不彰。不足以詔。今據城拒命。而得逭天刑。不足以戒後。固臣所甚惜。而二三臣者。方且自多功伐。侈稱捷音。臣誠耻之。近又傳聞云。反側之徒。雖嘗效順。內應。然

猶惶惑未安。該鎮城門皆其所自守。往來文移必驗之。乃得出入。間猶踵其故習。私或生殺人。制撫方佯爲不聞。拱手擁虛名。行賑濟而已。凡此皆處置不先定。故其心疑而未安耳。或罪或原。固宜早有定論。不當徐徐令其生心也。今制撫在外。則曰我難專制。敬侯廷議。奉命周旋耳。在內諸臣。則曰我難遙度。聽制撫制。長議便宜施行耳。彼此觀望。互相遜避。今且二十日矣。不聞有所陳議。曾不知該鎮士民。跂足以待命。四方六鎮。拭目以觀終。若如二臣措置。遂幸以爲安。

泄泄然不復置之慮而一聽其苟且之謀竊恐他日之隱憂方大而諸鎮觀望生心將無復寧息之候矣。管人謂平吳之後方勞聖慮固臣之所拳拳者也。

平政令示鎮靜以定危疑疏

遼陽叛卒

竊見遼東守臣奏報遼陽軍士變狀及兵部覆議經畧事宜反覆思惟無任驚愕仰惟 聖明御極禮備樂和天下臣民咸望至治而邊鎮之兵一紀四叛雖於 聖德無所缺損而咸和之化胡可爲醇速變激亂固撫臣之過而軍士悍傲輕於變背胡可爲順紀

綱法度。至於淪斃。胡可爲立。人心杌捏。鼓之易提。胡可爲固。此臣之所以日夜疚心者也。然以廟謀廷議。當有爲國家深長思者。故不敢妄有陳說。近觀兵部先後覆題。則不免於懲噎。糜食之過也。臣等敢遂終言之。臣聞天下之勢。如權衡然。平則物清。得而爭奪。息。機微輕重之間。則低昂懸判矣。國家大鎮凡七。而叛者五方。豈其撫鎮皆不肖哉。蓋姑息之弊。滋而偏重之勢成也。今縱不能亟圖而善反之。豈可復助其勢而益昂之乎。以臣愚論之。臣經奉命拊循。不能宣

布德威，廼重法厚斂，以糜蠹端罪，誠不可辭。然巡撫者，天子所命大吏也，自軍士視之，則亦有冠履首足之分。即其舉措少乖，而國家紀綱法度固森不可亂。廼今驅逼而拘繫之，無異小吏然。甚至鼓衆閉關呼譟稱叛，此可謂非罪乎？縱今不能明法正罪，以杜驕悍，固宜平議而均治之矣。兵部乃過懲於大同之故，遂不復爲國家長久之計，不待勘報，即懸斷而還議之。夫巡撫越牆而避，本軍士逼逐也。則曰畏法懼罪，意有所待，鼓衆呼喚，擅閉城門，罪迹已彰也。則曰噉

嗷哀求原無他意至於欲免查屯田則與免查欲更  
置巡撫則與更置庇其罪而深爲之辭惟其意而莫  
之或逆於撫臣則原文周內惟懼弗深於軍士則曲  
隱旁飾惟懼弗恕失輕重之倫忘久大之患長驕悍  
之氣滋邊境之憂計非所以爲安也臣等愚不知大  
計然竊以爲今日之事異於大同亦遠矣夫大同之  
雖論大体亦須審勢如唐人平澤潞而許河非世襲  
所以敢行叛亂者其事有六高城深池以守則固一  
也多積厚聚餉給不置二也隆冬沍寒我兵不耐三

也鼠伏親藩庇同城社四也外隣強虜急可撓援五



也。慝積稔惡，累叛無懲，六也。夫賊有此六恃，而我又以不習之兵，寡謀之將，臨之。此賊之所以怙終爲叛。而我之所以師久無功也。遼陽遠在廣寧三百餘里，邊城飾鉞，士馬精銳，厚餉積芻，堅甲利器，悉在廣寧。遼陽僅一副總兵分守之地，有兵不過五千，芻糧仰給。遠而在外，城池高廣，僅半大同。附近諸夷，則東爲朝鮮，北爲朵顏，海西毛憐，諸衛皆國家冠帶效順之國。歲時稱貢之臣，非若非狄強黠無忌，世爲中國仇盜者比也。夫外無強虜之援，內復鮮親藩之比，大同。

六○恃○無○一○有○者○也○是○故○閉○門○呼○譟○而○終○不○敢○有○他○者○  
非○誠○有○所○畏○懼○蓋○自○量○其○力○也○臣○非○妄○意○誠○知○其○無○  
能○爲○矣○今○陛○下○重○於○舉○事○思○與○天○下○休○息○此○不○過○  
一○傳○檄○而○定○耳○夫○重○抑○士○卒○則○挑○釁○速○禍○將○激○目○前○  
之○變○偏○罪○撫○臣○則○傷○體○損○威○將○遺○久○大○之○憂○二○者○皆○  
安○危○治○亂○之○機○不○可○不○慎○也○臣○愚○以○爲○自○今○以○後○遼○  
東○諸○臣○復○有○奏○報○事○狀○陛○下○宜○鎮○之○以○靜○曠○然○視○  
之○待○以○無○事○一○若○邊○境○常○報○悉○付○巡○按○御○史○從○公○體○  
勘○長○慮○周○謀○聽○其○廉○實○委○悉○以○聞○陛○下○權○其○事○變○

觀其時利。徐圖而平議之。罪在巡撫。則罪巡撫。罪在軍士。則罪軍士。使刑罰平而法令昭。務足爲國家久安之賴。兵部不得過事姑息。遙斷是非。曲爲低昂。偏右軍士。重抑撫臣。令其名分乖舛。法典隳廢。見張皇之形。示懦弱之迹。使天下不得以終窺我而無畏也。夫待之以無事。則反側不疑。示之以鎮靜。則國威不褻。付之於邊臣。則罪狀可稽。得情而徐議。則闔闢在我。即有一二委曲不盡法者。循口邊臣之故。而廟堂之體。固自尊也。如此。非惟足以安反側之心。抑足以

全國家之體。旬日之內。軍士不款伏而請罪者。臣不信矣。

正名罪愼舉用以杜姦萌疏

遼陽叛卒

近該鎮守太監王純等題稱據廣寧軍民人等狀告呂經苦害軍民十一事乞轉奏。皇上欽處施行。再

乞差總兵官邵永侍郎周叙前來撫安等因。又該兵部題奉。聖旨。呂經已有旨革職閑住了。還着錦衣

衛差官校齋駕帖拿解來京問理。袁璘并地方有罪人犯都着巡按御史查提問擬來說。韓邦奇也不必

去吏部另推可以撫靖地方的兩員來看，欽此。臣等伏讀明旨，仰見皇上好生不殺，體權達變，推誠矜物，與古之聖人，寧失不經，同一至仁也。臣等敢不將順，以紓至懷。惟九重嚴邃，君門萬里，邊城變故之狀，軍士驕悍之罪，臣工憤懣之氣，不徹於聰睿者，猶多也。至陛下所觀者，又皆危城之疏，一偏之語，議者且復抑揚輕重於其間。陛下何所度衷而裁之乎。傳曰：膚受之愬，智者惑焉。文致之罪，即臯陶之德。以爲有餘辜矣。今日之事，非賴陛下之聖明，公虛

洞燭鎮靜遐思若遽聽邊臣之奏從軍士之請則所以處此又不獨如今矣近有山海關守臣帖報兵部

軍士扶奏之詞不足為據

開稱本月二十五日呂都御史進廣寧總兵勸說不必久任軍士恐生他變呂經不從二十六日叫寫字進各軍聞知云你將我貼丁不與又將糧銀減半今還寫本害我各吶喊撞鍾打鼓齊入將都察院門打開擁入將呂經踢打肘錄送監又將都察院并文卷盡行燒毀着太監總兵奏本討赦等因臣等於兵部借觀之乃知危城之蹶未可盡信壅蔽之弊不可不

深察也。何也。蓋危城諸臣。寄命軍士。白刃在前。死生在念。苟可以免於戮辱。則蒙蔽之罪無愛矣。故先後奏詞。所以伸彼抑此者。非有所恩怨厚薄也。自全之道在於此也。且今之官府所得行威虐者。以陛下之委任權久在已也。呂經奉命取回。則權任固奪矣。縱欲爲虐。誰復與用命者。况其受侮遼陽。濱次者屢彼縱自愧。寧復不畏死耶。若曰往政之虐。則遼陽已發之。苛政刻令。御史又悉除而更之矣。此其爲情亦大可察也。夫今日邊境之禍。平心反本而論之。撫鎮。

苛。刻。之。過。軍。士。驕。悍。之。習。國。家。數。有。之。積。三。者。實。相  
因。而。成。之。是。酷。吏。亂。卒。厥。罪。惟。均。法。固。不。得。以。輕。重  
之。也。明。旨。已。下。命。使。已。行。呂。經。之。罪。臣。等。不。敢。復。言  
矣。至。於。軍。士。之。多。辜。不。正。名。晰。義。以。昭。示。天。下。竊。恐  
姦。雄。之。竊。咲。而。亂。臣。賊。子。之。接。迹。也。嘗。聞。投。鼠。者。忌  
罟。狐。穴。於。城。則。灌。者。避。焉。何。也。以。其。所。托。者。重。也。巡  
撫。者。天。子。所。命。大。臣。也。即。其。有。罪。朝。廷。法。度。明  
典。固。在。也。軍。士。誠。聲。於。朝。陛。下。英。明。剛。果。其。治。經  
簡。腐。鼠。耳。豈。當。以。麾。下。小。卒。輒。自。粹。辱。如。此。雖。經。所



自致如 朝廷何。經不足道。獨不畏 陛下耶。臣等  
請得數其罪。夫執辱撫臣。殘 天子命吏。罪一。焚燬  
公廨。擅閉城門。罪二。欲易撫鎮。則執名易以請。要君  
廢置罪三。既執撫臣。乃以狀訴。先發後聞。罪四。詞曰  
請轉奏 皇上。而不具姓名。傲君無上。罪五。決堂陛  
之等。倒首足之序。裂名分之防。蔑視王章。輕玩憲典。  
罪六。此豈薄於呂經者哉。若不獲真正元惡數十人。  
數其罪而責之。則將來軍士無復嚴憚。自是國家紀  
綱愈不立。法令愈不行。邊境效尤。循環而動。 陛下

之憂日滋以大夫兵部議曰軍士被毒雖淺積怒實深中間恐有三五姦徒幸禍乘機鼓扇愚軍者若曰無與於軍而二三奸徒爲之是欲示勘官意也勘官職在地方志幸苟安而廟堂所議又復云然他日不過誣執二三乞兒丐子鍊鍛成獄以報陛下以姑塞明詔如此胡不直宥悉赦之猶不使無辜被茲刑戮也臣等近又看得巡按御史曹達題稱臣奉命巡視居庸關四月十九日赴教場閱操見行伍紛亂喧囂不肅弓不知操上馬輒墜廢弛殊甚欲據法行

罰。却被官軍人衆環坐號呼。大譟不服。臣恐激變。只得姑息。夫御史陛下觀風之臣。搏擊之司也。今其爲詞乃甚卑。其爲情亦甚畏矣。豈本心哉。時事如此。將來亦大可見矣。夫旬日之間。中外三變。雖大小或殊。固可以覘人心無畏也。如此猶謂法令爲行。紀綱爲立。此非愚則諛。皆非審事實。知治亂之體者也。往歲寬大。識者當逆推今日之事。告陛下矣。今且有左驥矣。而群臣猶玩忽不戒。直爲是煦煦以幸目前之安。不知養亂蓄變。將自誰遺也。無亦慮國家舉事

之難乎。臣請得而言之。晉唐中葉。京師再難。玄德播遷天下多故。蕃夷雲擾。故藩鎮之臣。乘敝而起。憲宗發憤創往。振累世之弱。簡賢練衆。信賞必罰。果斷博謀。卒之淮蔡底定。諸藩再款。赫然稱中興焉。然此猶可諉曰異代事也。臣請證諸本朝者。正統間大虜入寇。直犯京城。駐兵德勝門之外。可謂危急矣。而叛賊葉宗流等六七人者。又皆乘時並起。各擁衆數萬。據土稱王。七省之間。騷然震動。內外交變。視此萬萬烈矣。而廟謀先定。群工效忠。卒之醜虜悔禍。叛賊悉平。

期月之間。天下晏然。方今 聖明英武。群哲勵翼。豈異 祖宗之時。本兵乃獨爲數十小卒。掣肘結舌。竟不出一語以問罪人。此臣等之所以未解也。近又傳聞當事之臣。議欲聽軍士之請。以周叙代韓邦奇。巡撫夫 陛下所以罷邦奇不遣者。蓋察邦奇非輯寧才。故欲易之。此固 陛下知人善用之意。非因軍士之請而欲以叙更也。當事之臣。過爲承望。遂欲以叙往。如此。又何異唐時藩鎮之爲耶。管臧武仲以防求爲後於魯。孔子以爲要君。蓋廢置予奪。君上之操也。

軍士得請而廢置之。則是主上之柄。操在士卒。太阿倒持。非所以爲順也。且將來邊鎮效尤。紛起以請。

陛下從之。則難繼。不從。則軍士固有辭矣。失體損威。尤莫有大焉者。此尤臣等之所扼腕不平者也。伏願陛下勅下兵部。再加詳議。特遣大臣一員前去查勘。務得真正首惡。數其罪而責之。以照示天下。無得卽聽邊臣。取二。三小卒。苟且了事。及勅吏部。別推廉靖大臣一員。往代巡撫。毋得輒聽軍士之請。遂以周叙。往以肇將來廢置之端。則未盡之法。猶有存者。庶

幾可以示後而昭來也。若或冥頑不悟，首惡不欬。

陛下問罪興師，言順名正，勝負曲直，非所與論矣。今中外臣工私相告語，罔不憤然爲國不平，然不以告陛下者，彼自計其身得事。陛下之日遠，或十餘年。

近或三四年，非罷即歿耳。自幸身榮親顯，使國家漸安無恙，彼得以安食坐享，以遂其肥家保妻子之計。即他日安危，責罔不及也。誰肯爲國家出長治之謀。

畫久安之策，以自取踈棄之罪哉。臣等誠愚昧，往歲

論上再版以大同勸議事依未足以服人也

妄論大同事，至今大同之民怨入骨髓，即大臣亦惡。

臣爲異已讒毀搆議無所不有賴陛下天地之恩曲賜保全日夜思惟冀效涓埃以答高深而聖恩深重仰報無由又兵戎遼鎮實臣該科之責非若異科事自有司存忘其愚陋復陳觀縷

正名義以杜邊患議功罪以存國體疏 大同功罪

竊惟推隱殫辭者明法之臣也慮遠存體者燭微之君也是故輸刑馱獄必盡其情執憲典罪不遺其隱匪曰爲深以明法而備讞也書曰其刑上簡有併兩刑是也察時度變以輕重議功矜疑以昭國厚匪曰



爲異以慮遠而存體也。書曰：輕重諸罰有權。刑罰世輕世重是也。故聖人觀時而制刑，因人而蔽罪，則

朝廷無失刑，天下無異議矣。臣愚不識治體，然於大同之變，蓋嘗反覆思辨，竊見其大端有四，皆內關國體，外係邊防。近示天下，遠詔來世，所不可不慎焉者，也是故叛逆之罪不誅，則無以明法而戒後；僨事之臣不論，則無以懲慢而勵忠；觀釁之臣不罷，則辱身負國而大義乖；招降之賞太厚，則損威傷體而朝廷輕。是故必知此四者，而後可與議大同之功罪也。

臣竊觀禮部侍郎黃綰查勘疏狀叛徒逆黨間有擒黃公之查勘當時亦有議其未盡者黃固有才幹所戮二監遺孽亦議調遣雖未盡法差勝於前矣劉源處大抵簡便易行

清之議誅雖或過甚而郤永武鏗之罪則公論協矣  
潘倣孫允中之叙用雖非爲訓而趙鎮戴廉之叅則  
大義明矣楚書詹榮樊繼祖之功雖頗浮實然陞賞  
曰量行則國體亦尊矣若夫窮奸推隱辨功正罪不  
復遺餘力者則臣所謂明法之臣體固當如是也不  
如是則縮爲不稱 陛下任使矣至於觀時察變以  
權輕重議功矜疑以昭國厚以爲 朝廷惜大體爲

邊境防遠患固 聖明所獨斷非法吏所得招狀外  
越擬議者也夫今大同終事之期諸鎮觀望之秋  
陛下更始善後之一幾也看得黃綰叅稱大同軍士  
止應坐以謀殺之律不得輒稱謀叛以至興師夫折  
姦莫先於聲罪誅賊莫大於正名名不正罪不彰則  
多殺之不足威悉宥之不足仁夫謀殺謀叛之不辨  
則大義乖而國是隨之臣謹按律謀殺謀叛輕重較  
然懸也所謂謀殺者或三數人陰計詭圖掩衆所不  
及而戕人於死尋即解散者也必非謂聚衆至數十

人操弓挾矢，明刃呼譟，自夜達旦，以與主將格鬪者也。必非謂刼殺良民，焚燬公廩，逼竄撫臣，逐奔親王，久而不解者也。特此非國家所習有，固未易言耳。臣請言其習有者，假令二三人謀人於潛地，殺之而奪其資，又數十人者，明火揚刃，強刼人殺人，不知將坐以謀殺人律乎，抑坐以強盜律乎，事固當有辨矣。况大同之卒，累倡叛亂，再殺大臣，據城逆命，非一朝一夕之故，稔惡積慮，無君父久矣。其與忿士怒卒一時偶聚爲亂者，萬萬不可同日語也。况律文謀殺止

言指揮千百戶。而不及大臣總兵者。豈其遺哉。其微

引此評得制律之意

意。蓋可識矣。大臣者。天子之所改容而禮者也。總兵者。朝廷之所推轂而遣者也。是皆下主上一等者也。廉堂之分誠不邇於此矣。此而可殺。是不知有朝廷也。如是而聲之曰叛逆。豈不典明乎哉。是故制律定罪。不得與指揮千百戶同議。將重撫鎮以防漸也。夫國家於撫鎮。重其權任。尊其位號。隆其禮數。而士卒猶時執而殺之。今既不能正法。釋罪以爲撫鎮重。至復輕殺者之罪。以與殺指揮千百戶同議。自是

以往撫鎮威體下同末屬士卒視之無大尊顯撫鎮少不如意欲殺則殺之當復輕於前矣雖撫鎮亦將自視卑也。口惴惴焉。歿生首領之慮。又何暇爲國家嚴法振武以飭邊防也哉。此其爲悞。誠非細故矣。傳曰水弱而人狎之。故多歿焉。火烈而人憚之。故鮮歿焉。茲固先王嚴法重令。使民易避難犯之意也。先王豈樂爲是重法哉。且聖人立法制例。皆因時救弊。止天下之亂者也。今士卒殺撫鎮亦旣數見矣。使律文果輕。陛下猶當乘時立例以重其典。以立天下之

坊。今律有重條。而故降示以輕典。是奪主將尊而導  
民易犯也。非所以明威別等。正名柱漸之道也。慮者  
以爲不如此。則無以爲肆赦大同之辭耳。臣愚以爲  
固不必然也。夫殲渠魁。釋脇從。實陛下神武之義。  
不殺之仁。與古之聖人。寧失不經。同一好生之心也。  
即是以昭示天下。傳播來世。豈不光明俊偉之甚。又  
何必文借輕典。以惠奸慝。曲援律義。以貽後艱。以姑  
成此辭哉。徒使陛下赦之不爲恩。殺之不爲罪。啓  
奸雄易犯之路。開撫鎮不自謀之端。貽邊境無窮已

之禍臣誠竊憂之臣非爲律例爭也此義旣明國是  
王法胥此焉定後禍隱憂胥此焉寢蓋東隅不可追  
將圖桑榆之救也臣愚願陛下勅下兵部及法司  
諸臣從長查議申明律例榜示各鎮使知大同不盡  
之誅實蒙陛下不殺之仁嗣是敢有聚衆稱亂劫  
殺撫鎮官者俱以謀叛已行論重則稱兵聲討輕則  
據法追治又使天下知陛下義理之怒無復屢赦  
終宥之幸庶幾有所嚴憚而不敢犯矣此固明法救  
時反重折萌之道也又看得黃綰參稱總制侍郎劉



源清、賍賄交通、貪功債事、輕議請兵、激變良善、春秋必誅、國典難貸、夫源清受 陛下命、爲總制大臣、與有兵戎之責、不能相觀機宜、以圖進止、老師費財、卒罔成功、使醜虜深入、幾於危辱、奉職無效、罪誠萬死、然聞入議之典、功賢必議、先王所以示厚廣仁也、往者宸濠謀逆、源清爲進賢令、守孤城、獨以忠義感激士民、嘗大書誓歿報國及人生自古誰無歿、留取丹心照汗青之句、倡衆爲歿守、復積薪圍其私第、約賊至則闔室自焚、偕歿以報國、有家人請棄城逃者、源

清即誣殺以徇，宸濠遣僞將將兵百餘人道進賢，源清伏兵殺之，生擒僞將斬之，市宸濠乃馳僞諭召源清，源清大罵曰：吾豈從若反耶！立斬齋僞諭者，宸濠卒亦不敢加兵進賢，隣邑聞風，始皆有固守志。今兵部尚書唐龍往以御史按江西，首上源清功狀，謂其首挫宸濠之鋒，而奪其氣，使賊不敢東窺湖東諸郡，屹然爲閩浙巨防者，源清之功也。由是觀之，源清固賢且有功矣，即有舉事少不當，尚當蒙入議之貸，况今日之罪，猶或有可补疑者，臣又按律所謂激變，蓋

言牧民之官。失於撫字。非法行事。激良民爲變者也。源清未用兵之前。士卒亦旣殺總兵。誅良善。迫親王出奔爲變矣。固不得以良民論也。源清本奉 陛下命。將天威。致王罰。不得謂非法行事。又明矣。特其累失機宜。措置乖戾。滋令其大耳。此則源清之罪也。陛下即以是誅之。匪惟天下服。陛下之公明。且知奉職不効者。其責如此。又何辭之與有。若治軍行旅。紀律申令。皆主將之責。源清向與郤永乖戾不和。又權侷任均。不相令制。妄殺之罪。視永亦當未減。若夫

貪功債事之辨。則心術隱微之際。所未易以形迹窺者。夫縣令小吏也。族滅大禍也。源清爲小吏。能不愛族滅之禍以報。先帝今當。聖明之朝。爲國家大臣。受專閫之委。顧盡棄其平生。以負。聖主。臣誠竊疑之。乃今欲與郤永同殺。非惟其心或不死。恐嗣後人臣不究顛末。不自循省。將懷疑畏。不敢爲天下出力任事矣。即叛逆之徒。亦必快心洩忿。借口爲資。天下後世。且將謂國家以大同之故。殺一非死罪素忠義大臣。豈曰小戾云乎哉。夫源清罪誠可誅。當不在

叛逆者之上。今馬昇、楊林親爲叛逆矣。猶得以後功請保全。議陞拜。源清獨不可以舊忠貸一死乎。又看得黃綰、叅稱潘倣、孫允中俱應叙用。楚書詹榮俱應陞賞。夫潘倣倣職重。巡撫寄切安危。自今觀之。亂階不杜。何以示威。見難不援。何以示智。踰垣而避。何以示體。勅符俱亡。何以示守。降志辱身。伏隸叛卒。何以示節。觀釁自全。何以示忠。冒功祈叙。何以示耻。皇惑草疏。焉賊請貸。何以示法。夫陛下以禮法廉耻待群臣。而倣等以此報塞。陛下此而不罪。方來之臣以

苟辱爲上計，以觀燬爲良圖，養亂蓄歿，以成國難，且使大義日乖，臣節日斁，誠非所以風示來世而救下忠也。臣愚願陛下不易初命，仍罷彼等庶少存廉耻，以激頑懦。若楚書屠榮之功，賞則臣前疏已具。夫國家全盛之時，大同一鎮之叛，不能明法正罪，使朝廷誅賊討亂之義，伸於邊圉，顧使二三小臣，得以口舌乘時爲功，陛下不勝其好生之仁，俯聽其然。天下猶未測淵衷之所注也。夫賞不當功，非惟人不思勸，而國體輕重隨之，以臣愚論之，屠榮身陷賊中，本

無疆土之責。楚書奉使築濠，非有軍旅之寄，乃肯越職而謀，因幾而成。且其膽能入圍，口足說賊。陛下錄此而稍加賞異之，亦可以爲人臣出疆奔走，居難圖回，敢於趨事者之勸。若曰大同之功，非此二臣者莫可就也，竊恐天下有以窺朝廷矣。將謂朝廷過視大同爲勁強不可制，故招降餌伏者，遂侈爲奇勛。張皇誇詡，錫上賞，賜駿拜，甚非所以示威崇體尊朝廷也。故臣謂楚書詹榮不宜厚賞者，非爲國家吝惜誠愛體也。無已，則少俟歲月。二臣資叙當遷。吏部

別擇美秩加常秩一二等請循制陟降足示優異則  
體全勞叙兩存不廢若夫都御史樊繼祖挫威於城  
下侍郎張賸受命於軍終亦復貪天因人冒昧掠美  
又非臣之所知也夫如是則賞罰畢協而大義明規  
模弘遠而國體尊姦宄潛折而邊圉輯近可以示天  
下遠可以詔來世矣惟臣前議與勘事大臣微有異  
同然非臣故異縮亦非縮之見不及此也蓋法臣之  
體貴於詳明朝廷之體貴於弘遠固各有攸當也  
臣言官所論者朝廷之體也况國家善後之策邈



鎮久安之圖。迨鑿覆車議在今日。必智愚併陳。特非  
悉達。廣延博議。然後 聖擇有基也。臣若內避異同  
之嫌。外懼郡小之謗。緘默不語。仰負兼納。則不忠之  
罪。歟且無贖。又臣之所大懼也。且天下之事。非一家  
私議。要於是而已。臣言而是。適足爲締助。亦大臣集  
衆思。廣忠益之道也。